



UNIVERSITÄTS-
BIBLIOTHEK
PADERBORN

**Cursus Biennalis Studii Canonici, Sive Succincta Et
Methodica Sacrorum Canonum Explanatio**

Engelhard, Johann Martin

Moguntiae, 1700

Titulus XXXVII. De Pœnis.

[urn:nbn:de:hbz:466:1-63255](#)

TITULUS XXXVII.

De

Pœnis.

QUÆRES 1. Quid sit pœna & quotuplex
Respond. Pœna est coercitio delictorum legi
bus constituta & approbata. Dividitur;

1. In *realem, personalem & mixtam*. Personalis est qua
personam tantum afficit, quales de jure Pontificio
sunt excommunicatio, suspensio, depositio &c. Realis
est, quæ in odium personæ delinquentis, rebus impo
nitur, ut missio in possessionem rei petitæ, confisca
tio omnium rerum. Mixta est quæ partim realis est,
partim personalis, v.gr. interdictum, proscriptio,
exilium, relegatio.

2. Dividitur in *criminalem & civilem*. Hæc ten
dit ad privatum commodum, illa vero ad vindic
iam publicam, & toties reiteratur, quoties deli
ctum committitur.

3. In *capitalem & non capitalem*, quæ divisio
delictis capitalibus vel non capitalibus suum sum
psit exordium.

4. In *Ecclesiasticam & Civilem*. Prior à judice
Ecclesiastico secundum Canones infligitur, poste
rior à Judice sæculari juxta leges dictatur.

5. In *ordinariam & extraordinariam vel arbitriari
am*. ordinaria est in jure expressa, vel saltem per
consuetudinem introducta; arbitria autem præ
scripta non est, sed prudenti judicis arbitrio relin
quitur.

QUÆ.

QUÆRES 2. Quibus pœnis Iure Canonicō coerceantur delinquentes? Respond. Pœnæ Ecclesiasticæ quæ ad Reipublicæ Christianæ satisfactionem & vindictam publicam delinquentibus Clericis & Laicis imponuntur, sunt i. pœnæ pecuniariæ; quæ etiam ab Episcopis, & Judicibus Ecclesiasticis infligi possunt, non obstante cap. 13. jusque §. fin. de offic. ordin. cap. licet b.t. ubi id videtur prohibitum; allegatis enim capitulis non pœnarum pecuniarum absolute, sed earum tantum impositio prohibita est, quæ non ex justitiæ zelo, sed ex avaritiâ, & lucri cupiditate imponuntur, nec piis usibus sed bursæ propriæ applicantur. 2. Pœnæ corporales. v. gr. verberatio vel flagellatio moderata. c. 1. § 2. de calumnia. Exilium vel relegatio Clerici extra diœcesin. c. 1. cit. incarceratio; carcer enim, licet de jure Civili sit tantum custodia, jure tamen Canonico est pœna scelerorum, vel in perpetuum vel ad tempus pro gravitate delicti. cap. 3. b.t. detrusio in Monasterium c. 1. de confessis cap. 2. de adulteriis, non quidem ad faciendam ibi professionem, sed ad vitam in pane doloris transfigendam. cap. 1. de regular. infamia. can. infames. c. 6. quest. 1. confiscatio bonorum. 3. Pœnæ spirituales v. gr. privatio officii vel beneficii Ecclesiastici jam obtenti, quæ non fit nisi in casibus à jure expressis, quas recenset Azo. 2. part. instit. moral. l. 7. cap. 17. & quidem post sententiam judicis declaratoriam.

ORV : ORV

LI 2

TITU